

Riikkaidgaskasaš turismma ovddidanbálggis -projeavtta digiskuvlenoppalašvuođa bálvalusbuvttadeaddji válljen

Ášši duogáš

Riikkaidgaskasaš turismma ovddidanbálggis -projeavttas gilvalahttojuvvui digiskuvlenoppalašvuohta, man mihttomearrin lea buoridit Ohcejoga guovllus doaibmi turismafitnodagaid digimáhtu ja riikkaidgaskasaš vuovdima. Háhkkan ollašuhthtojuvvui fálaldatbivdagis meroštallon njealji skuvlenoasi oppalašvuohtan.

Fálaldatbivdagat sáddejuvvojedje guđa (6) fitnodahkii ja dain njeallje (4) dahke fálaldaga. Fálaldatbivdagis gávnnavuvvui, ahte skuvlenosiid buvttadeaddjin válljejuvvo oppalašekonomalaččat buoremus ja ávkálamos fálaldatdahkki, go váldá vuhtii háhkama ulbmiliid, fálaldaga sisdoalu ja fálaldatdahkki heivvolašvuođa bargui. Dát mearrádus vuodđuduvvá fálaldatbivdagii, fálaldagaide, háhkama válmmaštallanmateriálai sihke fálaldagaid veardádallamii.

Ekonomalaš váikkuhusat

Mearrádusa gollováikkuhus lea 3.350,00 euro, álv 0 %. Gollu buhttejuvvo projeavtta dohkkehuvvon bušeahhtaárvalusas.

Doaibmaváldi

Mearrádus vuodđuduvvá Ohcejoga gieldda hálldahusnjuolggadussii ja das ovddidanhovdii mearriduvvon doaibmaváldái.

Njuolggadusat ja rávvagat heivehanláhkai

- Láhka almmolaš háhkamiin ja geavahanriektesoahpamušain (1397/2016).
- Hálldahusláhka (434/2003).
- Ohcejoga gieldda hálldahusnjuolggadus.
- Ohcejoga gieldda háhkanráva.
- Projeavtta ruhtadanmearrádus ja ruhtadeaddji rávvagat.

Mearrádus

Válljen bálvalusbuvttadeaddjin DigiPro Liiketoiminta (2162854-2). Háhkama árvu lea 3.350,00 euro, álv 0 %. Háhkkan ruhtaduvvo Riikkaidgaskasaš turismma ovddidanbálggis projeavttas.

Ákkastallamat:

Fálaldagat árvvoštallojedje fálaldatbivdagis almmuhuvvon vuodustusaid mielde. Árvvoštallamis váldojedje vuhtii háhkama mihttomearit, fálaldaga sisdoallu, fálaldatdahkki heivvolašvuohta bargui sihke haddi. Árvvoštallan čađahuvvui buot fálaldatdahkkiid oasil seamma árvvoštallanákaiguin, mat almmuhuvvojedje fálaldatbivdagis. Vaikko válljejuvvon fálaldat ii lean hatti beales hálbbimus, de fálaldatveardádallama vuodul DigiPro Liiketoiminta

árvvoštallojuvvui oppalašekonomalaččat buoremussan ja ávkkálamossin. Válljejuvvon fáladat árvvoštallojuvvui oppalohkái háhkama ulbmiliid ja fáladatbivdagis ásahuvvon sisdoallogáibádusaid buoremusat vástideaddji fáladahkan. Fáldagaid dárkilis veardádallan boahtá ovdan fáladatveardádallamis, mii lea mearrádusa čuovusin.

Čuovvusat

- Čuovvus 1: Fáladatbivdda.
- Čuovvus 2: Háhkama válmmaštallanmateriála.
- Čuovvus 3: Fáldagaid veardádallandokumeanta.

Mearrádus lea vuolláičállojuvvon elektrovnnalaččat áššiidhálddašanvuogádagas.

Ruotsalainen Veli-Matti
Ovddidanhoavda

Juohkin

- DigiPro Liiketoiminta,
- NordicMarketing Finland Oy,
- Kasvu Muuvi,
- MEMO Visio / Kipinä Kasvuun
- Projeaktahoavda Tuomo Merentie
- Ekonomijabálvalusat

Vuigengáibádusráva

Mearrádussii duhtameahttun sáhtta dahkat čálalaš vuigengáibádusa čuovvovaš gieldda doaibmaorgánii:

Utsjoen kunta
Kehitys- ja ympäristölautakunta
PL 41, Luossa 1 a
99980 Utsjoki

Vuigengáibádusa oažžu dahkat dat, geasa mearrádus lea čujuhuvvon dahje gean vuoigatvuhtii, geatnegasvuhtii dahje ovdui mearrádus njuolga váikkuha (áššáiosolaš) dahje gieldda lahttu.

Vuigengáibádusa galgá dahkat 14 beaivve siste das, go lea ožžon mearrádusa diehtun. Gehččojuvvo, ahte áššáiosolaš lea ožžon mearrádusas dieđu, jos ii eará čájehuvvo, čieža (7) beaivve geažes das, go mearrádusa guoski beavdegirjeválddus lea sáddejuvvon sutnje reiviin. Gehččojuvvo, ahte gieldda lahttu lea ožžon mearrádusas dieđu, go beavdegirji lea biddjon albmosii.

Vuigengáibádusas galgá boahtit ovdan gáibádus oktan vuodustusaiguin. Ohcamuššii galgá merket vuigema gáibideaddji ja reivve čálli nama ja ruovttugieldda sihke poastačujuhusa ja telefonnummira.

Vuigengáibádussii galgá laktit:

- mearrádusa, masa ohcá vuigema, juogo kopiijan dahje álgoálgosaš mearrádussan
- áššegirjiid, maidda doarjala